

和清人八居韻

A 00
6412

0 1 2 3 4 5 6 7 8 9 0

和清人八居韻

B 91808

山居

仙家養雞用祝雞翁養雞棲樹事見列仙傳

鳩巢室

蒼苔石路白雲溪
山擁上游郡縣西
人世頻忘蕉底鹿
仙家靜養樹中雞
平生不受當時責
無事須兼太古齊
昨日試過城郭去
前來歡笑後來啼

岩居

白髮垂綸碧玉溪
歸家岩上日將西
若非棄世如蜀狗
誰復忘機似木雞
前嶺雲來松半黑
殘春雨足歲初齊
考槃自語長如此
何意哀猿月下啼

樓居

高樓百尺俯青溪。溪水自東樓自西。雲外影來棲海鶴，
空中聲下宿天雞。凌虛欲擬仙人好，比屋還嫌俗子齊。
嘆息咸陽三月火，宮臺為燼祖龍啼。

茅居

剪伐菁茅下澗溪。葺成一室小堂西。春泥香落引春燕，
午睡夢殘鳴午雞。細雨灑來還易濕，暴風荒後苦難齊。
王侯第宅君看取，今有行人路上啼。

山居

寬齋

碧流千仞似青溪。峭壁攢峯東復西。薜荔衣寒如野鶴，
琴書牕靜伴山鷄。空階抱石孤雲細，華月中天萬木齊。
門外幸無蟬冕客，懶眠祇攪曙烏啼。

巖居

烟霧窈冥通曲溪。溪層巒竦在小齋西。品扉日永馴麋鹿，
書榻雲深聽犬鷄。茶竈香飄無客至，藥鑪丹就與仙齊。
曾思丘壑今初得，卧聽清猿先曉啼。

樓居

縹緲飛樓臨澗溪，高居隔在萬家西。
雲晴近瞰冲霄鶴，境靜俯聽報午雞。
百雉城闌簷外出，千尋松檜檻前齊。
月明吹笛關山曲，少婦閨中幾處啼。

茅居

負郭卜居依石溪，撞籬茅舍野橋西。
辭官豈嘆牽黃犬，奉使何求祀碧雞。
一徑秋深山菓熟，小園雨霽藥苗齊。
竹爐紗帽甘幽寂，書幌夜闌絡緯啼。

鄧居

萬井汲流共一溪，紅塵翳日水東西。
市中言語成真虎，陌上堵牆見鬪雞。
賣卜高人何處在，悲歌酒客與誰齊。
當今公子好驕士，應有沈淪朱亥啼。

船居

水底雞借用
山雞照水事

信宿漁人船聚溪，晚炊烟合夕陽西。
黃梁夢逐沙頭鴈，華髮影如水底雞。
自覺淹留同土著，不妨搖曳與雲齊。
忽聞子夜唱明月，恐使孤舟嫠婦啼。

水居

平川長薄接前溪，群嶺遙望茅屋西。
桑柘盡頭飛白鷺，菰蒲深處出黃雞。
厨中鮭菜家足，橋下漁梁岸齊。
共說水鄉寒氣早，冬來衣冷奈兒啼。

村居

家、水竹繞清溪，堪可食東又宿西。
行客喧囂嘶櫂馬，主人驅逐下埭雞。
雨晴社鼓聲初合，日落旗亭影不齊。
笑道縞綦聊可樂，前魚莫遣老妻啼。

鄧居

市井駢闐近一溪，開場萬貨滿東西。
過門楚客時歌鳳，走馬陳王日鬪雞。
穿徑結茅隨俗好，攤書對畫與人齊。
紅塵飛不侵吟榻，時聽幽禽過竹啼。

船居

微軀不許住漁溪，朝釣東方夕復西。
滄海先傳墮屐屨，江村早聽應潮雞。
波心明月微風散，水上蒼烟萬里齊。
柔櫓輕舟無處所，笛聲和接白鷗啼。

水居

微雨新晴水滿溪
半扉斜影夕陽西
蓼花風起驚汀鷺
楓葉秋寒動野鷄
樽有濁醪魚鱗足
園無瘠土菓蔬齊
醉歌時發滄浪曲
莫道人間笑與啼

村居

千村萬落遠東溪
聊傲龐公住水西
身世共忘鵬與鷁
戶庭猶畜鶴兼鷄
龍頭麴麥黃雲動
宅外桑麻碧葉齊
午睡初醒無一事
古槐深處晚蟬啼

山居

橘洲

百尺松陰繞碧溪
柴門半掩白雲西
空林遙認下山鹿
寒竈時窺分食雞
未有漁郎來說晉
豈甘釣叟出封齊
採薇歌罷清風發
獨鶴一聲向月啼

巖居

寒水無聲苔滿溪
巖樓遙倚碧山西
暗窓洗竹通明月
疎雨移花候曉雞
危石參差當戶起
炊烟繚繞與雲齊
老來未蹈人間路
一箇閒身隔笑啼

樓居

四面晴窗敞綠溪，一樓倒影夕陽西。
半天氣色含山野，萬井雲烟隔犬雞。
風靜仙笙吹月度，霜明鴈陣拂欄齊。
可憐多少紅塵地，幾處拚歡幾處啼。

茅居

一架茅椽枕古溪，卜居恰似浣花西。
百年室冷分棲鶴，多病人疎對語鷄。
洞裏仙桃紅未綻，山前藥竹綠初齊。
寒門載酒來春者，曲逕雲深鶯獨啼。

鄧居

幽居未必在山溪，清隱何妨金市西。
翠館花深嘶驥裏，青樓絃急泣鷓鴣。
鬢如秋草霜初落，心似春風物自齊。
賣卜授經亦多事，暖衾卧穩送烏啼。

船居

朝遊江海暮過溪，泛宅無論東復西。
胡角秋風悲塞馬，驛樓曉月逐關雞。
楚天木落烟波濶，吳水雲寒葦葉齊。
縱令欄衡才不老，到今洲草幾人啼。

水居

滿家水色抱晴溪一月未過楓樹西青笠磯頭隨白鷺
紫鱗市上換黃雞秋回澤國添衣早潮撲寒屋與雨齊
自古清貧多樂意荆山何事卞和啼

村居

桑柘陰、繞水溪春聲近落野橋西林間鳴鼓催春社
屋外綠車報午鷄蔣徑雷過竹胎動陶門烟暖柳條齊
村翁有約香羹熟花影月明一犬啼、

山居

新川平

莫道平生過虎溪幽棲更入萬峰西地偏時見霧間豹
天近忽聞雲裏雞斲藥千年恨劉阮采薇一曲愧夷齊
此中寧有風塵染猶恐陵陽抱壁啼

巖居

翠壁天開千仞溪依然石室在崑西仙人誰復來青雀
使者何須祀碧雞海日曙光中夜湧山雲暝色四時齊
長風吹落薜衣冷幾處靈夔一足啼

樓居

危樓縹緲影清溪，望盡長安指極西。
橫檻俯秋懸月免，晴牕催曉報天鷄。
雲邊海色千帆出，樹裏山形萬堞齊。
今古登臨無限恨，蕭條處處越禽啼。

茅居

柴門小路隔烟溪，水竹誰憐似瀼西。
踈箔留春迎社燕，壞牆報午過隣雞。
遠郊風度清泉響，重嶺雲依古木齊。
採藥歸來無一事，城頭何得聽烏啼。

鄧居

長路分塵傍一溪，花街十二接東西。
紅樓有酒客呼鶴，紫陌無塵兒鬪鷄。
應似馬卿元在蜀，不同晏子又居齊。
請君莫向咸陽市，惟有黃昏鴉亂啼。

船居

孤舟為宅下寒溪，洗憤滄浪日已西。
桂楫風輕移宿鷺，篷窓雨暗認鳴雞。
山陰雪色堪思戴，湖上秋光好入齊。
不用燃犀窺曲渚，宵深百鬼水中啼。

水居

百歲羊裘碧玉溪卜居長在釣磯西
烟開斜岸飲蒼鹿日落寒山照錦鷄
秋水魚兒千石滿春風楊柳兩眉齊
可憐楚竹斑斑色疑是江娥伴月啼

村居

欲逐桃花住遠溪孤村望斷夕陽西
春山一逕連桑柘暮雨千家集犬鷄
社酒催人乘月去樵歌到處入雲齊
秋來可忍砧聲急況復空閨少婦啼

山居

桃溪源

杖藜緩步過前溪採藥歸來日向西
翠壁遙看雙下鹿白雲近報一聲鷄
松間碁局歲時久石上薜蘿風月齊
流水高山無識者相思不鼓抱琴啼

寓居

相逢之處涉清溪遙指龐公棲隱西
洞口風驚飛雨變巖扉日動聽金鷄
宿雲古木為隣合盤石垂蘿似鉞齊
誰憶霜天殘月曉不堪夢裏斷猿啼

樓居

百尺綺窓枕碧溪，雪峯挂在赤欄西。
雲隣霄漢仙人鶴，境隔茅茨野客雞。
沈約清風詩可賦，庾公明月興應齊。
一聲吹落梅花笛，薄暮淒然鳥復啼。

茅居

野色參差脩竹溪，茅住著少城西百年。
敢望門中駟，一世誰憐醺。
上雞簞食自知，今日樂巢居。
應復古人齊，寡妻懶婦營何事。
四壁秋生蟋蟀啼。

鄧居

卜居遠望白雲溪，九陌紅塵東復西。
金谷晨馳公子馬，銅駝暮散少年雞。
魚鹽千里來相聚，布帛尋常價不齊。
滿耳喧囂渾薄俗，無人知道老萊啼。

船居

楊柳叢葭古渡溪，扁舟寄宿釣臺西。
平沙落日多鴻雁，極浦寒雲少犬鷄。
去住還無行路險，沈浮何與世情齊。
海風浙瀝黃昏雨，都作篷牕一夜啼。

水居

寂：荒村港：溪天低水國夕陽西烟簑雨笠孤舟客
茅舍竹籬兩岸鷄露滿芙蓉秋色冷花連蘆荻月明齊
向來飽喫雕胡飯寄語貧兒莫漫啼

村居

孤邨春水漲花溪斜繞短牆過隴西樵徑微風眠草犢
柴門旭日食階鷄家無新曆歲時至身著敝袍寒暖齊
最是隣翁能卜雨暮烟深處一鳩啼

山居

白石源

亂峰疊嶂俯迴溪家住危橋數里西明月跡過深谷虎
白雲聲斷遠村雞尋源春水桃花老招隱秋風桤樹齊
山鬼欲來天色暝女蘿衣薄雨中啼

巖居

青天路轉白雲溪盤石垂蘿碧銅西柏葉風來薰水麝
竹根泉灑照山雞傳巖夢去賢何在冥嶺身棲隱可齊
盡日松門人不到玄猿偏向月中啼

樓居

百尺飛樓萬仞溪蒼茫遙接大荒西南山碧霧藏玄豹
東海紅霞叫玉鷄捲幔纖雲衣上落當窓積翠畫中齊
洞簫吹徹天如水散作鸞鳳伴月啼

茅居

老樹陰、竹繞溪黃茅近向瀑泉西
豈論門上題九鳥不學窓間語老鷄
陶令結廬容膝易孟光舉案與眉齊
興來且酌杯中物笑見癡兒覓粟啼

鄧居

東隣倡婦舞前溪丹穀香車大道西
市陌何人隱屠狗城隅有老養群鷄
肯旗樓外花枝動白馬橋邊柳色齊
為問黃公壚上客幾家歌笑幾家啼

船居

蘭橈一夜發清溪千里風帆東復西
晚日波間遊海獸晨星島外報潮雞
蘆洲月落孤檣出柳岸烟輕五兩齊
却怕隣船愁婦在琵琶曲罷使人啼

水居

春風吹綠漲江溪，繞舍垂楊盡向西。
雲斷青山朝放鶴，烟開蒼嶼午聽雞。
吳姬清唱荷花動，楚客徒傷葉葉齊。
南浦望迷芳草色，鷓鴣何意傍人啼。

村居

藹藹蒼烟隔綠溪，孤村桑柘野橋西。
柳邊小巷歸春燕，花下雙扉報晝雞。
秦漢不知年代改，朱陳唯見子孫齊。
喜聞南畝分秧後，屋角斑鳩喚雨啼。

白石先生手書



